

無文元選禪師行狀

全

館書圖京東				
一	〇	●	三	
冊	號	架	函	類

019857-000-4

126-101

無文元選禪師行狀

祖秀/校

M28.2

ABG-0688



困龍主席得之卷末訪未如善
光呈示 奧少并祖無文禪師行

師曾在子善走落髮受

市告勅修系致、多急免入大元嗣

法於 古梅禪師以有風跡是

雲顯杜涉情古情切不為因禪唯一


絕塵其多需云



王子步竹如法王寧祥！日
道事遊方仰少分得梅老誌
震旦杖案一檀香

中申中元日

見建仁崇激謹題



方廣開山無文元選禪師行狀

遠孫 祖秀 校訂

師諱元選字無文 後醍醐帝之皇子

方南

紀傳云師後醍醐帝第十一皇子今考
後醍醐帝生之年紀師誕生在第十
一皇子者蓋
史臣不拘誕生之次第記之耶
不知何妃
所誕者或曰昭慶門院所誕今按昭慶門院
院世稱川端女
院見于增鏡
在孕之時妃潛出鳳闕元

亨三年癸亥誕師於洛西之梅津既而棄
之於洛之第五橋有一士人以無繼嗣常

所求子於清水寺圓通大士一夕夢或人纏兒於錦袍授之寤而異之凌晨與婦詣清水寺歸路聞孩兒之啼于橋邊舉而視之龍章鳳質殆非常兒此知大士之感授而喜抱歸家帝後詔有司索之士人雖知其爲皇子而不敢告師幼而岐嶷不事嬉戲性好跌坐不與羣兒伍七歲乳媪死師悲戀不輟人問其故答曰死者人世之常也何足以哀而渠受女身未修一善

而長逝矣是實可憐愍聞者駭嘆焉八歲入山寺讀內外書天資穎敏不由師訓世以神童稱泊稍長有出塵之志父母將奪其志師確乎不移曆應二年八月十六日後醍醐帝崩南朝延元四年諸記翌歲庚辰師十八歲就父母請遂素志父母言我自懇祈大士得汝日望長成欲以託我家今胡爲孤劬勞之恩耶師曰我雖夙世良因偶受人身而福報已盡沈溺永劫無有

出期矣使我出家行道上報四恩下資三
有則豈可與世孝順者同日而語乎哉於
是父母感其悃誠忻然許之師即日適建
仁普光菴拜明覺禪師建仁十八世祖諱宗鑑字明憲嗣法
大覺之塔明憲和尚文保二年七月二十
禪師師傳脫非髮髮稟具隸籍建仁親灸然可翁
塔字南浦明隨從梅雪村嗣寧朝參暮請專究這
事加博聞強記一時儕輩無出其右者康
永二年師二十一歲奮志欲入元出洛徑

赴筑之博多時晦無隱嗣中權聖福寺師

參之咨詢南遊之事隱委悉指示辭同元

通等乘舶浮洋經數月而抵溫州元至正

三年也一超考正行狀云元至正五年偶逢

一士人譯語相通款話移日辭住金陵參

訖笑隱于龍翔寺隱六十有餘作八十一者

四年隱六臥于病牀佐掖非也至正

事大同七年春往建寧府延寶傳燈錄等

大覺妙智額寺山號高仰參見古梅禪師

諱正友，敕賜紫衣師號。初號湛然，至遠後加號佛日廣智。見于建州弘釋錄。問答數轉，卽許歸堂。顯參密請，朝鍛夕鍊。一且豁然大事了畢，遂受印記，并大戒。夏了起單，到仰山謁有子。有命歸侍司，及其辭職，請偈。有示之云：航海梯山來，選佛忘餐廢寢。貴明心六塵不惡，心無住消得人間萬兩金。元選侍者遠來山中，孳孳爲道。命之侍香，能處寮舍。職滿求偈書二十八字。爲時中警策。又見欲南堂長千巖琦楚石。

等所至皆稱飽參。楚石贈偈云：一切現成無欠少，箇中誰了誰不了。文殊特地選圓通，不覺全身入荒州。集雲峯下四藤杖，重如山嶽輕鴻毛。未知那箇識痛痒，直得地動天華飄放過。小釋迦收下大禪佛，阿師跨海長鯨侍。者摩霄俊鶻目，連鷺子何足云。東土西天敢輕忽，師爲諸老器重如此。過廬山開先寺賦詩曰：參差喬木藏樓閣，烟霧忽開山色清。瀑落高巖翻雪浪，風生

遠嶽起松聲，雲間唳鶴驚。僧定霜外啼，猿
動客情此。去再來知幾日，題詩青竹獨空。
行訪廬山隱者詩：日秋風杖錫翩翩至，瀟
灑幽居過客稀。溪巷艸荒疎，雨冷孤村日
落。亂雲飛一雙鬢髮帶霜，老萬里鄉關入
夢歸。我亦平生丘壑志，特來此地扣巖扉。
寄鄉友詩：日旅館風寒不著眠，清泉一夜
自涓涓。疎鐘始動霜橫壑，長笛頻吹月滿
天。好景題詩憐艸木，書筵把筆掃雲烟。十

年同作他鄉客，遙語關山道路懸。師留元
凡八年，歷瞻聖蹟名藍，遊天台，方廣寺，拜
應身於石橋，往德山禮祖塔，石霜道悟，浙
江補陀跋涉，殆遍。至正十年，扶桑禪林僧
寶傳作至正

十一年有維桑之情，先是大拙能公。嗣法
千巖

元亦入元，與師爲同參。於是師將理歸楫，
以能公猶留于漢土，眷戀告別，師與鄉友

義南菩薩。雲州人，入元嗣法。中峯和尚元
順宗皇帝，欽南智德，賜菩薩號。

故世云碧巖璨首座。關東人，入元參千巖
元長首座，于伏龍山

同船解纜於明州數月，到于博多時，觀應
元年庚寅，師二十八歲。一超考正行狀三
作觀應二年非
師俱寓于石城山。璨公先歸關東，故山師
送行偈云：秋風忽起，怯單衣千里；故人歌
式微，我獨淹留。歸未得空勞，魂夢到庭闈。
南菩薩機鋒孤峻，而本邦禪徒登其門者
未嘗不點額而還。師獨同社越年者，因有
莫逆好也。明年春歸京，師冬赴相陽，與中
巖月公嗣法東陽德輝訪古先禪師諱印元而謁

左武衛見于中巖

再歸京師，卜居於西山

巖倉，扁曰歸休檀越。施巨莊，使師住。建
仁，智光菴，蓋以師有得度之舊緣也。師曰：
吾天性孤貧，智德俱闕，寧將此身投熾然
猛火，終不據大方之席，謁豪貴之門。甘休
林壑，可與艸木同腐耳。辭而不就。菴居自
適。一日登龍門亭。嗟峨天龍寺十境之
一也見于夢窓錄賦
詩曰：皇都城外西山寺，白馬青袍爛熳遊。
華底題詩逐胡蝶，沙頭酌酒散羣鷗。落花

吹雪東風急，瀑布穿雲江水流。聞說先王
駐玉輦，從官列道祝千秋。宿法輪寺嗟詩
日浚沈蘭若，西山下樓閣重重結。構牢平
野星低侵露冷，前峯月上挾霜高一江流。
水自愁，色萬嶽。松風亦海濤，禮誦聲長天
欲曉。滿溪雲氣濕方袍，師聲華日播學徒
競。至師厭之，而一錫出西山，造濃之武義
縛茅，又號歸休。有偈云：邪師說法數如麻，
般若靈根正。敗芽祖道安危非，我事柴門

溪掩送生涯。逾年再歸西山，舊隱有偈云：
杖錫飄飄歸舊山，松杉寂寂避塵寰。滿庭
黃葉無人掃，唯有閒雲自往還。又歸濃之
歸休，故舊道友從而師之。雨笠煙包來而
參之，師厭雜遝，遁道來參之。廣澤菴加茂郡
高橋莊
而居焉。未幾禪侶蟬集，士庶靡然嚮化。一
日赴同郡衣鄉今舉母鄉雲林寺尼寺天關和尚
天關尼和尚嗣法東
福寺大陽義冲禪師十三年忌之，請拈香
云：園林花盡，風光別世上。榮枯最苦心，蝴

蝶戀香春寂寂杜鵑啼血綠陰陰此香生
天地之先出萬物之表絕榮枯離名相觸
之者燎卻本來面目嗅之者打失娘生鼻
孔直得三世諸佛歷代祖師接物利生以
至盡虛空遍法界森羅萬象情與無情靡
有不稟渠資薰之力今日伏值前住雲林
天關和尚一十三年之辰信手拈來爇向
爐中聊伸眞法供養恭惟慧日門中大陽
子瀉山山下老特牛天資成就丈夫事住

山氣象古爲儔後昆及今弔其跡仰慕道
聲萬古流我儂何幸臨此會不勝讚揚泪
先浮其餘廣澤小佛事等法語不遑殫記
焉遠江國奧山有是榮居士者藤原氏名
山六郎次郎其先出於井伊祖慕師道望
備中守其保之裔世襲封奧山

來而請問大事師應機啓發居士執弟子
之禮勤渠師性好閒靜居士約之雖以奧
山岑寂以世屬艱虞未暇往請至德元年
甲子春師六十二歲捨廣澤菴自訪居士

於奧山居士欣然迎接款待益至師伴居士登衣晞山欲挿一莖而爲真修之場臨視姥懷山以爲數峯環峙叢樹鬱鬱兩澗流清靈水灑灑雖台嶽方廣之勝槩不多讓此嘉遁之地也遂構一字山號浚奧寺稱方廣一超考正行狀云師應安四年入永二十六年方廣寺法寶輪藏記未幾雲水輻湊不下五千指闔國咸服道化締構日興宗規漸盛遂爲鬱然一方之叢林然艸廬茅堂不事

浮華澗飲蔬食遞相警策師謂徒曰馬祖百丈法幢盛時亦但如是今時兄弟工夫不純是不及古可憂而已又云大凡出家兒離俗士欲截斷生死根源打破諸祖重關正好緊把本參話頭猛著精彩一氣拍盲起大疑情參究去將悟爲則是我平昔信解之一端而不用頻行棒喝批判古今昧自己心訓勵吾徒不是過也耳適值匡性禪尼七年忌拈香云江湖歲暮春將至

雪裏梅花漏玉肌，追憶昔年今日別無端。
引起一場悲，日本國泉州路人事。某今月
念二日，伏值先妣匡性禪尼七周之忌辰。
爲追薦冥福，就于方廣精舍，營辦供佛齋。
僧之儀，尋命山野焚一瓣寶香，奉獻三寶。
勝位仰冀幽靈承諸佛提挈，證清淨妙果。
永脫三從障，直登九品臺者也。老僧因見
孝誠之志，嘉歎久之，仍歌一連古賦，聊表
薦悼之意。嗚呼！父母形生大本也，順色承

顏孝道切，一別蹉跎，經七周萱堂夜夜空。
餘月劬勞罔極，何以酬不堪惆悵，淚欲咽。
臨江尋魚苦，敲冰入林泣，筭頻掃雪年年。
此日一爐香上天下，界普薰徹。又往濃之
椿洞，創了義寺。號瑞椿山一日開小池於山下。
傍構虛碧亭，以爲止靜所。戲書壁間云：幽
居自是境緣淨，夏木排窻帶雨濃。柯葉四
時曾不改，歲寒心有磻。邊松繩誓禪定門。
三十三年忌拈香云：雨晴郊外翠光濃，松

奏琴聲萬壑風眼底江山般若體幽禽啼
斷白雲中日本國濃州路城田莊居住菩
薩戒弟子某今日伏值先考繩誓禪定門
三十三回之辰爲追薦冥福謹發誠心就
于了義禪院營備供佛齋僧之儀其孝行
之志可以感天地鬼神也仍命山野焚一
辦寶香供養三世十方微塵刹土中諸聖
賢衆所鳩勝利專冀先君尊靈無邊煩惱
海徹底乾枯無量智慧華廓然開發與一

切有情同證妙果者伏以幻妄境內假立
生死之名真如界中元無聖凡之情五蓋
十纏般若體六趣四生涅槃城恁麼荷負
去非獨報親德可以度羣生夫謂之世出
世間過量丈夫名遂功成挿香一爐沈水
聊表信天上人間薰氣橫師旣倦應接又
歸方廣嘉慶元年二月十五日是榮居士
卒號方廣寺殿華師秉炬云猛烈大丈夫
氣鋒誰得爭手把吹毛劍不戰屈人兵意

氣貫虹蜺作略驚羣生所以給孤園裏榮
佛性之妙華不二室內發自己之光明起豎

云火炬云大眾高著眼看等閒擲下金剛焰生

死魔軍自竄伏吉祥瑞慶集大成同二年

戊辰二月十五日丁遠州榛原郡大聖谷禱

山開山奇峯玄和尚三十二年忌奇峯玄和尚

平田龍峯和尚龍峯嗣佛地禪師佛地嗣圓覺開山佛光國師其嗣平田

寺良道峯和尚預來奧山請師師雖辭以

老病而懇請益力師不獲已而赴其請江

湖英靈拜趨輪下諸山碩德畢至法筵實

一時之盛會也陞座法語見于本錄師往

來百里之間無貴無賤咸出路傍瞻禮膜

拜如堵堵矣康應元年八月二十日正當

前建長廣圓明鑑禪師十三年忌諱祖能

師以有舊盟自捨衣資設齋會於奧山修

拈香佛事其法語云萬里浮杯過大方功

成名遂照扶桑楚山吳水同遊歷今日相

逢愁一場此香普天蓋不及大地載不起

昭昭顯於羣象之前，不有不無，朗朗出於諸塵之表，難摸難捺，放去非離，拈來非卽。覲面無筮，誤擬心艸，裏鞦今日伏，值前建長大拙，大和尚一十三回之辰，爇向爐中，聊伸真法供養，恭惟無明真子，幻住的孫，竒言雄辯，神號鬼哭，真機妙用，電激雷奔，宏開向上爐鞴，鍛鍊羣生本源，三提住山，鈿斧再得扶起宗門，這箇是平生自受用底，三昧如何，是末後光明巨福峯頭震法。

雷其道其德，塞乾坤，又古梅和尚贊云：稽首大和尚，聲價遠響，天般若老古錘，真子再來小釋迦，正傳於已行，持如冰玉，爲他作略破蓋纏，眼底空卻一世界，方寸包裹盡三千，不肖遺弟一模脫，又令家醜揚外邊，夫師之行已，終身專毘尼，尤謹細行，廉節而守身，恭謹而讓人，常行悲敬，二田或與疥癩沐浴，鬚髮或捨衣鉢，救窮乏，其性寬裕而容衆，仁慈而愛人，雖兒童走卒不

加色呵斥之論導誘掖諄諄如而至於拈
鏡拂匡徒領衆凜乎不可犯矣有台密性
相之徒來而詰難則直以我門不傳之妙
答之咸敬服而去參州寶飯郡三明寺豐川鄉宇
賀神垂迹之地而世爲名藍元曆兵燹之
後地屬蒼莽者有年師偶過此地戚其泯
滅駐錫營興堂宇傍建塔婆三級葺教作禪
院而以奉香火其塔今尚存焉駿州府寶
泰寺亦師挿莖之地也師之道化之及物

也椎川之龍一日化婦人參師脫醜報奧
嶠之嶽神爲師護法幢其餘異績竒功不
遑具紀康應元年冬師示微疾於奧山陞
座說法不異尋常翌歲季春病革一日遺
誠門人畢書偈云平生顛倒今日郎當末
後一句雪上加霜又生如出岫雲死似行
空月一念認性相萬劫繫驢橛擲筆而寂
春秋六十八法臘五十一實康應二年庚
午閏三月二十二日也闔國緇素如喪考

妣嗣法之徒十有餘人授戒弟子若干人
稟承正印揚化於一方者悅翁空谷在德
仲翁四人也門人如法茶毗收師真骨塔
于本山西隅號曰默靈

方廣開山無文禪師行狀終

無文禪師行狀跋

我^カ開山無文禪師行實諸傳所記年紀
事蹟不能無異同故兒孫話及^ス開山行
實則未嘗不嗟嘆矣陽舜秀公奮勇爲之
志欲^ラ會^メ諸傳而按^シ讎年紀異同訂^ラ正事蹟
失實以便兒孫之通覽而累歲用志可謂
勤矣^{予モ}亦嘉盛舉縱^ラ史令果其志及^テ既畢
功附刻^ヲ開山語錄以行于世若其顛末

見秀公之自序聊題一言於卷尾以紀歲月云

戊申暮春穀日

與山東隱主

祖宗

謹跋



無文元選禪師行狀後序

無文禪師之行狀不知何人所撰蓋師
戢化之後取世之口碑編錄者也故記行
實履踐雖詳悉而至於地名年紀則不能
無乖誤寬文中我門有一超和尚者別
撰師行狀殺青行于世時以師本錄
未顯於世法語偈頌等傳之者鮮矣一超
和尚屢入闌增補其闕略然多非師之

本色於是同門諸老雖有刪訂之志以
本嶠數罹舞馬之變祖傳舊記悉歸灰燼
而失其本據不果其志予所請遠之龍潭
所祕藏之師本錄一卷拜閱之則如親
見師承其馨欬不亦幸哉然後試以兩
本行狀及近世僧史所立師傳而質諸
本錄則異同紕繆孱人闌增者判然見焉
嗚呼師嘉言芳躅晦蝕于後人之手誰

不爲之慨嘆於是予雖戇愚償諸老之志
私執舊本訂亥豕辨異同地名年紀據他
書考定法語偈頌自本錄抄出而以補前
修疎漏焉今距師三百有餘歲而質其
行實則不據法語偈頌而覓出處建化之
迹將何以知其實耶此是編所以法語偈
頌過其半而與他祖行狀不同其體也斯
舉雖似不揣已知分而以幸先乎諸老得

其本據不顧僭踰訂正攷覈以復師之本
色而令人知實語真踐之大較矣其文
辭陋拙則俟後賢郢正云

享保十三年歲次戊申三月十三日

參州大野淵龍寺祖秀謹書



附錄

遠江州浚奧山方廣寺法寶輪藏記

遠江方廣寺至德初無文選公居之選始
入大元國參古梅友公得旨而歸友嗣絕
學誠公誠示三關語驗學者立三種願勵
學者友公爲其真子而授記薊則選公所
得可知也於此說法僅夏七年以康應庚
午春三月二十二日書偈而逝學者惜之
其平生徒衆日盛檀施日增是故佛殿僧

無文祖師行狀附錄
堂浴室庖湏叢林所宜有悉備而經藏缺
然寺衆患其無所眺覽而比丘建閭聚善
書者寫先佛三藏之說庚寅歲書功已訖
而乃爲轉輪藏以置其經金碧莊嚴奪人
耳目輪藏之設乃剏梁傅翕太士者意欲
使其登藏門者皆摧破煩惱轉運菩提之
道耳其道也群生素有之意而諸佛所證
之理也或曰古人道大經本無文唐梵錯
翻譯是故開山祖師以無文印子一印印

定然則五千四十八卷果從何處而得來
哉曰言而足則終日言而盡道言而不足
則終日言而盡物足與不足存乎其人若
能於涵攝運行之間超然自得則道云乎
哉物云乎哉是則無文祖師所以垂示於
人也勉旃

應永己亥冬十一月朔

前天龍資聖禪寺住持比丘岐陽方秀

撰并篆題

無文元選禪師秘函曾經兵燹而殘編僅存
享保年間三河岡部寺祖秀禪師刻共三冊
其板亦失蓋帝王種而出家修禪以佛國之
師及此師為大宗河頃忱坂清作欲刻為僧
修秘傳列朝 聖皇賢臣之追福有河余之
先授以此書他日欲及佛國之師語深也此深
先成聊記其所由云尔

明治二十六年一月廿七日

島田蕃根謹識

明治廿八年二月二十日翻刻印刷
全 年二月廿三日發行

發行者 帆坂清作

東京市神田區猿樂町十二番地

印刷者 大澤鉞三郎

東京市四谷區傳馬町二丁目十九番地

